



Aqqalu C. Jerimiassen

UKA 2025/162-1

Atassut

04. November 2025

Aningaasanut tunngasumik ingerlatsivimmik (finansiel virksomhed), tassannga aningaasaateqarfik, sillimmasiisarfik, soraarnerussutisiaqarfik kalaallinik tamakkiisumik amerlanerussuteqartunilluunniit pigineqartussamik, pilersitsinissamut periarfissanik nalunaarusiornissamut Naalakkersuisut peqquneqarnissaannut Inatsisartut aalajangiiffigisassaattut siunnersuut. Nalunaarusiaq UKA2026 aallartinnginnerani Inatsisartunut agguanneqassaaq.

(Inatsisartuni eqimattak, Naleraq)

Kinaluunniit kikkulluunniit nunatsinniittut nunaqqatigut oqaluttuunneqanngillat aningaaseriveqarnikkut soraarnerussutisiaqarnermilluunniit suliffeqarfimmik pilersitsissanngitsut.

Atassummiillu qulequttami anguniakkatut saqqummiunneqartut paasisinnaagaluarlugit, sooq nunatsinni taamannak nunaqqatitsinnit tamakkiisumik amerlanerussuteqarfiusumilluunniit pigineqartimik pilersitsinissaq sooq maana siunnersuutikkut aaliangersarneqassanersoq.

Namminersortutut aallarnisarnissamut Nalik Ventures periarfissanik peqartitsereerpoq, partiillu siunnersuuteqartup namminiilivikkumavinnermik oqaluttuarnermi sooq innuttaasut qulangerlugit siunnersuutikkut ammaanissamik siunnerfeqarnerat paatsuuganartuuvoq.

Tassami namminiilivinnissamik sinnattoqarniaraanni, tassaasusnaanngilaq pisortat innuttaasutik sulisinniarsarissagaat, nunaqqatigulliuku namminneq ulapputtussaasut pisussamik utaqqinatik. Taamaattumik kaammaattuutiginarnerulluni uani, inuiaqatigiit akornganni piginneqatigiilluni nammineq aallarnisarnissaq peqatigiiffiit imaluunniit piginneqatigiiffiit nammineq suleqatigiit kattullutik nunaqqatigiittut pilersitaat aallaavigalugit, immaqalumi avataaniit suleqateqarluni aningaasaleeqatigiilluni nammineq maani amerlanerussuteqartumik piginneqataaffigineqartumik pilersitsisoqarsinnaalluni.

Sillimmasiisarnikkut aningaasalersuisarnikkullu nunarsuaq tamakkerlugu niuffaffiuvoq, sorlermilluunniillu pigineqaraluarpat, assersuut sillimmasiisarnermi danskit pigisaat sillimmasiisarfiit allaat USA-mit nioqqutinit sillimmasernermut eqqanaarusertarput.

Taamaattumik Atassummiit mattussivigata, naak qulequtaatigut apeqquusernartikkaluarlugu naalakkersuisut nalunaarusioqquneqarat tapersersinnaavarput, neriullutalu namminersortut namminneq pisortanit maanngaanniilluunniit naalakkersuinikkut ima ittunik siunnersuutinik qulangerneqaratik aallartissinnaanissaat aqqutissaqalissasoq, tamannalu pillugu siunnersuut ilusimisut isikkoqarluni aappassaaneernejarnissaa taperserparput.